



### Pó-síp Eng-gí

Ū chit ke-hóe-á, lāu-pē chò i-seng, lāu-bó kà Eng-gí. In tau kan-ta ū chit-ê pó-pòe-á cha-bó kiá<sup>n</sup>. In ang-á-bó pâng-keng lāi ê tǎi-chì lóng iōng àm-ōe: "Khan-chhiú..ê, lí ê-àm kā góa pó-síp Eng-gí! "

Bóe-á, in koat-tēng beh î-bîn khi Kha-ná-tah (Canada). M̄-kú, lāu-pē chiām-sī ài lâu tiàm chia thàn-chī<sup>n</sup>.

Tng in teh bô-êng khoán hêng-lí ê sī, pó-pòe-á cha-bó kiá<sup>n</sup> hiông-hiông siū<sup>n</sup>--tiòh, m̄ng kóng:

"Āu-pái pa-pa pó-síp Eng-gí beh an-chóa<sup>n</sup> ?" In lāu-bó chit sī sòa m̄ chai beh án-chóa<sup>n</sup> ìn, kan-ta tōa sia<sup>n</sup> jiáng: " Put-chún khi pó-síp pan! Bē-sái chhià<sup>n</sup> ka-kàu! Ka-kī tiàm chhù-lāi phah-pià<sup>n</sup> liān-síp! "

### Ka-kū Siong

Chit-ê bē ka-kū ê tōa láu-pán khi Niú-iok (New york) pó-hòe, tī lú-kóan tng-tiòh chit-ê Hoat-kok bí-lú.

In n̄ng ê lāng gí-giân bē-thong, kó-put-chiong iōng ôe-tô lâi kóng-ôe.

Ka-kū siong ôe chit-tâi kè-thêng chia. Hoat-kok bí-lú tìm-thâu. In chò-hóe chē khi kong-hng sán-pō.

Kàu tiông-tàu i koh ôe chit tè toh-á, toh-téng ôe to-á, chhiám-á. Bí-lú chiū kap i khi chhan-thia<sup>n</sup> chiáh-png.

Beh àm i koh ôe n̄ng-ê lāng teh thiàu-bú. Bí-lú mā kap i khi bú-thia<sup>n</sup> thiàu-bú. In sng kàu chiok hoa<sup>n</sup>-hí, chiok sng-khòai.

Siōng bóe-á, ōa<sup>n</sup> bí-lú giáh pit ôe chit-téng ū 4 ki kha ê bîn-chhng.

Ka-kū siong tōa-tōa chhoah chit-tiô, siū<sup>n</sup> kóng: "Kî-kòai! Hoat-kok bí-lú ná-ē chai-ia<sup>n</sup> góa sī teh bē ka-kū..ê? "

